

## ENTRADAS E SAÍDAS.

### • ENTRADAS

O acceso ao Centro polo portalón principal permanecerá aberto desde 10 minutos antes da hora de comezo das clases e o portalón da parte inferior 5 minutos antes.

### **ALUMNADO USUARIO DE TRANSPORTE ESCOLAR**

O alumnado usuario deste servizo complementario accederá ao centro educativo polo portalón principal acompañado polas coidadoras de transporte e agardarán:

- Alumnado de Educación Infantil: no vestíbulo do edificio de Educación Infantil e Primaria.
- Alumnado de Educación Primaria: no patio cuberto na zona correspondente a cada grupo.
- Alumnado de Educación Secundaria Obrigatoria: na aula correspondente.

### **ALUMNADO USUARIO DO SERVIZO DE MAÑANCEIROS**

Unha vez aberto o portalón principal dez minutos antes do inicio da xornada escolar, farase do seguinte xeito.

#### EDUCACIÓN INFANTIL

- O alumnado agardará con persoal coidador deste servizo ata a chegada das docentes ás aulas.

#### EDUCACIÓN PRIMARIA

- O alumnado dirixirase ao lugar correspondente ao seu grupo no patio cuberto.

#### EDUCACIÓN SECUNDARIA OBRIGATORIA

- O alumnado subirá cara á súa aula polas escaleiras interiores do edificio principal.

Os portalóns de acceso ao centro pecharanse cinco minutos despois da hora establecida para a entrada.

### **ALUMNADO NON USUARIO DE SERVIZOS COMPLEMENTARIOS**

#### EDUCACIÓN INFANTIL

- Este alumnado accederá ao recinto escolar polo portalón de abaixo e as persoas adultas que os acompañen agardarán na porta da aula correspondente.

- Se este alumnado ven acompañado de/da algún/alguna irmán/irmá de cursos superiores, agardará co alumnado de transporte escolar no vestíbulo do edificio principal.

### EDUCACIÓN PRIMARIA

- Este alumnado accederá ao recinto escolar polo portalón principal e baixará pola rampla cara á zona do patio cuberto asignada ao seu grupo. As persoas adultas acompañantes deixarán ao alumnado no portalón sen poder acceder ao recinto escolar.
- O alumnado dos dous primeiros cursos desta etapa que teñan algún/alguna irmán/irmá en Educación Infantil poderá acceder polo portalón de abaixo se ven acompañado dunha persoa adulta co alumnado de Educación Infantil.
- Unha vez que soe o timbre de inicio, o alumnado accederá ás súas aulas do seguinte xeito:
  - Alumnado de 1º a 3º. Por orde de grupos, comezando por 1ºA, subirán polas escaleiras ou rampla ata a primeira planta.
  - Alumnado de 4º a 6º. Subirán polas escaleiras interiores para pasar por diante da secretaría do centro en orde inverso á disposición da súa aula no corredor da planta cero do edificio, é dicir, comezando por 6ºB, seguindo por 6ºA e así sucesivamente.

Haberá un/unha docente no patio cuberto para lles indicar a subida e outro/outra na parte superior das escaleiras para vixiar o camiño á clase.

### EDUCACIÓN SECUNDARIA OBRIGATORIA

- O alumnado desta etapa educativa accederá ao recinto escolar polo portalón principal e dirixirase á súa aula pasando pola porta de acceso ao edificio desta etapa educativa para prepararse para o inicio da actividade docente.

## • **SAÍDAS**

A saída do alumnado de Educación Infantil e 1º e 2º de Educación Primaria será ás 13:50. O alumnado de 3º e 4º de Educación Primaria sairá ás 13:55 e o resto de grupos, ás 14:00.

### **ALUMNADO USUARIO DO SERVIZO DE COMEDOR ESCOLAR EDUCACIÓN INFANTIL**

As coidadoras deste servizo recollerán a este alumnado dez minutos antes do remate da xornada escolar nas aulas correspondentes.

#### EDUCACIÓN PRIMARIA

O alumnado dos tres primeiros cursos desta etapa, unha vez que vaia saír o grupo, baixarán polas escaleiras máis cercanas á porta da planta -1 onde agardará unha coidadora do servizo.

O alumnado dos cursos cuarto, quinto e sexto baixarán polas escaleiras interiores do edificio ata chegar ao comedor.

#### EDUCACIÓN SECUNDARIA OBRIGATORIA

O alumnado desta etapa educativa baixará polas escaleiras interiores do edificio cara ao comedor.

### **ALUMNADO USUARIO DE TRANSPORTE ESCOLAR**

#### EDUCACIÓN INFANTIL E EDUCACIÓN PRIMARIA(ata 4º inclusive)

- O alumnado usuario deste servizo complementario agardará no vestíbulo do edificio na zona habilitada para á liña de transporte correspondente agardando para dirixirse cara ao vehículo acompañado pola persoa coidadora do transporte escolar.

#### EDUCACIÓN PRIMARIA (5º e 6º) e ESO.

- O alumnado dirixirase cara ao vehículo correspondente á súa liña ao remate da actividade lectiva baixo a supervisión do profesorado de que está a realizar a garda de transporte.

### **ALUMNADO NON USUARIO DE TRANSPORTE ESCOLAR**

#### EDUCACIÓN INFANTIL

- As persoas adultas autorizadas á recollida deste alumnado agardarán na zona do patio cuberto fronte á aula correspondente para recollelo ao remate da actividade docente ás 13:50.
- Se este alumnado vai marchar acompañado de algún/algunha irmán/irmá de cursos superiores, agardará

co alumnado de transporte escolar no vestíbulo do edificio principal.

### EDUCACIÓN PRIMARIA

- Este alumnado será recollido polas persoas autorizadas no portalón principal segundo o seguinte horario:
  - 1º e 2º de Educación Primaria ás 13:50.
  - 3º e 4º de Educación Primaria ás 13:55.
  - 5º e 6º de Educación Primaria ás 14:00.
- Se este alumnado vai marchar acompañado de algún/algunha irmán/irmá de cursos superiores, agardará co alumnado de transporte escolar no vestíbulo do edificio principal.
- O alumnado dos dous primeiros cursos desta etapa que teñan algún/algunha irmán/irmá en Educación Infantil poderá baixar á zona do patio cuberto para ser recollido pola persoa adulta que vén recoller ao familiar de Educación Infantil.

### EDUCACIÓN SECUNDARIA OBRIGATORIA

- O alumnado desta etapa educativa, unha vez rematada a xornada lectiva, sairán pola porta do edificio desta etapa educativa para dirixirse cara ao portalón principal do recinto escolar agás que estean no pavillón en clase de Educación Física.